



Chuig: Údaráis Bhainistíochta, Phríomhoidí agus d’Fhoireann Teagaisc na mBunscoileanna

Socruithe soláthar foirne i mBunscoileanna don scoilbhliain 2020/21

Réamhrá

Is éard is cuspóir leis an gcioclán seo an lucht bainistíochta agus an fhoireann go léir sna bunscoileanna a chur ar an eolas faoi na socruithe soláthar foirne atá ann do bhunscoileanna don scoilbhliain 2020/21.

Braitheann leithdháileadh na bpost teagaisc ar scoileanna ar chomhlíonadh na socruithe ath-implonaithe atá i bhfeidhm don scoilbhliain 2020/21.

Is é ath-implonú na mbuanmhúinteoirí/na múinteoirí le CID an mheicníocht a úsáidtear chun poist teagaisc a líonadh. Tá sé an-tábhachtach maidir le cumas na Roinne chun feidhmiú laistigh dá buiséad párolla. **Ní bheidh cead ag Boird Bhainistíochta tús a chur le próiseas earcaíochta chun folúntas teagaisc a líonadh go dtí go mbeidh an Roinn sásta nach bhfuil aon fholúntais ag teastáil chun aon bhuanmhúinteoirí/mhúinteoirí le CID breise a ath-implonú.**

Is iad na heochairphointí atá le tabhairt faoi deara:

- Tá gach cnuasphost Oideachais Speisialta i bhfeidhm i gcónaí don scoilbhliain 2020/21
- Is é Dé hAoine 27ú Márta 2020 an príomhdháta do scoileanna an méid a leanas a dhéanamh:
 - An Fhoirm um Pleanáil Foirne a chur ar ais chuig an Rannóg um Leithdháileadh Bunscoile (eiseofar an fhoirm sin ar leithligh do scoileanna)
 - Fógra a thabhairt don Oibreoir Painéil ábhartha maidir le haon fholúntas buan nó folúntas ar théarma seasta
 - Foirm Iarratais an Phríomhphainéil Ath-Implonaithe (Aguisín E) a chur ar ais maidir le múinteoirí buana barrachais/múinteoirí ar chonradh tréimhse éiginnte (CTÉ) chuig Rannóg um Leithdháileadh Bunmhúinteoirí na Roinne
 - “Foirm Dearbhaithe CTÉ20” (Aguisín G) a chur ar ais maidir le gach múinteoir ar bronnadh CTÉ air nó uirthi le linn scoilbhliain 2019/20 nó roimhe sin maraon le Foirm Iarratais Príomhphainéil, más infheidhme, chuig Rannóg um Leithdháileadh Bunmhúinteoirí na Roinne
 - Foirm Achomhairc Foirne comhlánaithe (Aguisín F) a chur isteach le haghaidh chruinniú mhí Aibreáin an Bhoird Achomhairc um Fhoireann Bunscoile chuig Rannóg um Leithdháileadh Bunmhúinteoirí na Roinne
- Foilseofar na Príomhphainéil Ath-implonaithe ag deireadh Aibreáin 2020 le tráthlín síos chuig lár mhí na Bealtaine 2020 do scoileanna chun oidí a cheapadh ó na painéil chuig folúntais

Ábhair an Chiorcláin

Is é seo a leanas struchtúr an chiorcláin seo agus tugtar an fhaisnéis seo a leanas ann:

Cuid 1: Socruithe soláthar foirne don scoilbhliain 2020/21

Cuid 2: Sonraí cúlra faoin na socruithe soláthar foirne don scoilbhliain 2020/21

Cuid 3: Socruithe Ath-implonaithe don scoilbhliain 2020/21

Cuid 4: Achomharc um Sholáthar Foirne Bunscoile don scoilbhliain 2020/21

Aguisín A: Táblaí sceideal Foirne Bunscoile don scoilbhliain 2020/21

Aguisín B: Tairseacha rollaithe do phost an Phríomhoide Riaracháin agus an Leas-Phríomhoide Riaracháindon scoilbhliain 2020/21

Aguisín C: Liosta nuashonraithe de na scoileanna uile, ina léirítear na sonraí leithdháiltí seo a leanas don scoilbhliain 2020/21

- Uaireanta NCSE atá sannta do gach scoil
- Poist lánaimseartha agus uaireanta atá ar fáil le haghaidh braislithe i ngach scoil faoin leithdháileadh do Mhúinteoirí Oideachais Speisialta
- Leithdháileadh EAL Buan do Scoileanna le líon mór daltaí óna dteastaíonn tacaíocht teanga acu

Aguisín D: Foirm maidir le Múinteoir Oideachais Speisialta MOS Cnuasach 2020 - Fógra a thabhairt faoi chnuasphoist nua do Mhúinteoirí Oideachais Speisialta don scoilbhliain 2020/21 ar bhonn uaireanta nach raibh cnuasaithe in 2019/20

Aguisín E: Foirm Iarratais do Rochtain Buanmhúinteoirí/Múinteoirí le CID ar an bPríomhphainéal Ath-implonaithe don scoilbhliain 2020/21 - Foirm Iarratais do Phríomh-Phainéal Ath-Implonaithe

Aguisín F(a-g): Iarratas chuig an mBord Achomhairc um Sholáthar Foirne ag an mBunleibhéal don Scoilbhliain 2020/21

Cuid A, Cuid B, Cuid C, Cuid D, Cuid E, Cuid F agus Cuid G

Aguisín G: “Foirm Dhearbhaithe CID 20” i ndáil le gach múinteoir dár tugadh CID don scoilbhliain 2019/20 no roimhe sin

Aguisín H: Foirm CIDApp (20/21) – Iarratas ar cheadú na Roinne do thabhairt Conartha Tréimhse Éiginnte (CID) do mhúinteoir sa scoilbhliain 2020/21 de réir téarmaí an Chiorcláin 0023/2015

Tuilleadh faisnéise/Ceisteanna Coitianta (CC)

Is ar láithreán gréasáin na Roinne a fhoilseofar aon fhaisnéis breise faoin bpróiseas leithdháilte múinteoirí agus nuashonruithe rialta freisin faoin dul chun cinn um ghlanadh na bpainéal ath-implonaithe.

D'fhoilsigh an Roinn freisin cáipéis [CC \(Ceisteanna Coitianta\)](#) um Shocruithe Ath-implonaithe ag an mBunleibhéal do Bhuanmhúinteoirí agus do Mhúinteoirí CID Breise tríd an bPríomhphainéal agus cáipéis [Ceisteanna Coitianta ar Chiorclán 0018/2020](#) um Shocruithe Soláthar Foirne i mBunscoileanna don Scoilbhliain 2020/21.

Fiosruithe

Má bhíonn fiosruithe agat tar éis duit an ciorclán seo agus cáipéisí CC gaolmhara a léamh i ndáil leis an leithdháileadh soláthar foirne do scoilse, féadfaidh tú na fiosruithe a sheoladh i ríomhphost chuig primaryallocations@education.gov.ie. Áirítear uimhir rollaithe na scoile agus ainm na scoile sa líne ábhair le haon fhiosrú ríomhphoist.

Paraic Joyce
Príomhoifigeach
An Rannóg Leithdháiltí Múinteora

Márta 2020

Eochairdhátaí & Foirmeacha do Scoileanna maidir leis an bPróiseas um Leithdháileadh agus Ath-implonú Múinteoirí 2020/21

Eochairghníomh	Foirm le Comhlánú agus le Seoladh ar ais chuig Leithdháiltí Bunscoile	Dáta le gníomh a chur i gcrích
<p>Cumasaíonn na táblaí rollaithe don sceideal soláthar foirne ag Aguisín A scoileanna a leibhéal soláthar foirne príomhshrutha a cheadú don scoilbhliain 2020/21</p> <p>Cumasaíonn na tairseacha rollaithe in Aguisín B scoileanna chun ceadú má bhíonn siad i dteideal stádais Phríomhoide Riaracháin agus/nó Leas-Phríomhoide Riaracháin.</p>		Láithreach
<p>Eiseoidh an Rannóg um Leithdháileadh Bunscoile Foirm Pleanála Foirne do gach bunscoil.</p> <p>Ba chóir do scoileanna an Fhoirm Pleanála Foirne a chomhlánú maidir le stádas fostaíochta gach múinteora don scoilbhliain 2020/21, agus filleadh ar an Rannóg um Leithdháileadh Bunscoile</p>		Dé hAoine 27 Márta 2020
<p>Ní mór do scoileanna fógra a thabhairt dá nOibreoir Painéil iomchuí (m.sh. Rúnaí Deoise srl.) faoi aon bhuanfholúntas agus faoi aon fholúntas ar théarma seasta atá le teacht chun cinn mar iarmhairt ar an sceideal soláthar foirne nó fáth ar bith eile atá ar eolas ag an tráth sin.</p>		Dé hAoine 27 Márta 2020
<p>Ní mór do scoileanna folúntais bhuana agus folúntais téarma seasta ina dhiaidh sin a chur in iúl dá nOibreoirí Painéil agus don Rannóg um Leithdháileadh Bunscoile ábhartha laistigh de 5 lá oibre tar éis don Bhord Bainistíochta/BOO nó Príomhoide an folúntas a chur in iúl.</p>		Laistigh de 5 lá oibre tar éis don Chathaoirleach / POF nó don Phríomhoide eolas a fháil faoi
<p>Tá gach cnuasphost Oideachais Speisialta i bhfeidhm i gcónaí don scoilbhliain 2020/21</p> <p>In Aguisín C, leagtar amach leithdháileadh uaireanta MOS, na poist bhuana lánaimseartha leis na huaireanta sin agus na huaireanta atá ar fáil le haghaidh braislithe.</p> <p>Anois is féidir le scoileanna (don scoilbhliain 2020/21) uaireanta páirtaimseartha Múinteoirí Oideachais Speisialta (M.O.S.) a chnuasú i mbuanphoist M.O.S. lánaimseartha nua (25 uair an chloig) atá roinnte le scoileanna eile in aice láimhe</p>	Aguisín D: Foirm Chnuasach M.O.S. 2020	Dé hAoine 27 Márta 2020
<p>Ba cheart do scoileanna le múinteoirí buana/le CID farasbair a shocrú go gcuirfí an/na P(h)ríomh (-fhoirm(-eacha) Iarratais don Phainéal Ath-implonaithe c(h)omhlánaithe ar ais chuig Rannóg Leithdháiltí Bunmhúinteoirí na Roinne.</p>	Aguisín E: Foirm MPF	Dé hAoine 27 Márta 2020
<p>Ní mór do scoileanna “Foirm Dhearbhaithe CID20” a sheoladh ar ais chuig Rannóg Leithdháiltí Bunmhúinteoirí na Roinne le cur in iúl don Roinn faoi aon mhúinteoir a fuair CID sa scoilbhliain 2019/20 nó roimhe sin faoi théarma Chuid A1 nó A2 dde Chiorclán 0023/2015.</p>	Aguisín G: Foirm Dhearbhaithe CID20	Dé hAoine 27 Márta 2020

<p>Tionólfaidh an Bord Achomhairc Foirne a chruinnithe i mí Aibreáin, mí an Mheithimh agus i mí Dheireadh Fómhair. Tionólfar an chéad chruinniú i mí Aibreáin 2020. Ní mór iarratais ar chruinniú mhí Aibreáin a chur faoi bhráid na Leithdháiltí Bunscoile.</p>	<p>Aguisín F: Iarratas chun Bord Achomhairc um Sholáthar Foirne ag an mBunleibhéal don scoilbhliain 2020/21</p>	<p>Dé hAoine 27 Márta 2020</p>
<p>Tá faoin Roinn na painéil ath-implonaithe a fhoilsíú faoi dheireadh mhí Aibreáin.</p>		<p>Ag deireadh mhí Aibreáin</p>
<p>An dáta deireanach ar féidir le scoileanna iarratas a chur isteach ar pho(i)st forbraíochta bunaithe ar na rolluithe réamh-mheasta a bheidh acu i mí Mheán Fómhair 2020.</p>		<p>Dé hAoine 27 Márta 2020</p>
<p>Beidh go dtí lár mhí na Bealtaine ag scoileanna lena bhfolúntais a líonadh ó na Príomhphainéil Ath-implonaithe. Ina dhiaidh sin, ceapfar Oifig Phainéil chun ath-implonú aon bhuanmhúinteoirí/múinteoirí CID breise a éascú.</p>		<p>Lár mhí na Bealtaine Tabharfar comhairle i leith an dáta nuair a fhoilsítear painéil ath-implonaithe</p>
<p>Ní mór do scoileanna iarratas a chur chuig an Rannóg Leithdháiltí Bunmhúinteoirí chun ceadú na Roinne a fháil le haghaidh aon Chonradh Tréimhse Éiginnte atá i gceist acu a bhronnadh ó thús na scoilbhliana 2020/21 faoi Chuid A1 nó A2 de Chiorclán 0023/2015.</p>	<p>Aguisín H: Foirm CIDApp (20/21)</p>	<p>Dé hAoine 27 Márta 2020</p>

Cuid 1

Socruithe soláthar foirne don scoilbhliain 2020/21

Is iad seo a leanas na príomhghnéithe de na socruithe soláthar foirne a bheidh i bhfeidhm i mbunscoileanna don scoilbhliain 2020/21:

1. Poist Teagaisc sa Seomra Ranga Príomhshrutha

Leanfaidh an sceideal foirne bunscoile ag feidhmiú ar bhonn meánmhéide de 1 mhúinteoir ranga do gach 26 dalta don scoilbhliain 2020/21. Beidh tairseacha níos ísle i bhfeidhm le haghaidh scoileanna DEIS Banda 1.

Don scoilbhliain 2020/21, beidh laghdú de phointe amháin sa tairseach do scoileanna ina bhfuil ceathrar múinteoirí nó níos lú.

Tá na táblaí rollaithe le haghaidh fheidhmiú an sceidil soláthar foirne don scoilbhliain 2020/21 liostaithe ag **Aguisín A** den Chiorclán seo. Cumasaítear scoileanna leis sin anois chun ceadú na leibhéal soláthar foirne príomhshrutha a bheidh acu don scoilbhliain 2020/21.

Áirítear leis na táblaí rollaithe atá le fáil ag Aguisín A na sceidil soláthar foirne do scoileanna DEIS Bhandá Uirbeach 1.

Is le haghaidh ranganna príomhshrutha amháin atá poist a leithdháiltear bunaithe ar an sceideal soláthar foirne agus ba chóir iad a imlonnú dá réir sin. Iarrtar ar údaráis scoile chun a chinntiú go gcoinneofar an líon daltaí in aon rang amháin chomh híseal agus is féidir, agus na tosca comhthéacsúla ábhartha go léir á gcur san áireamh (m.sh. cóiríocht seomra ranga, rollú athraitheach srl.). Mar sin féin, ba chóir d'údaráis scoile leas a bhaint, nuair is féidir, as an bhféinriail atá acu faoin sceideal soláthar foirne chun méideanna laghdaith ranga a chur i bhfeidhm le haghaidh ranganna sóisearacha. Ba chóir go gcuirfeadh scoileanna Ingearacha Uirbeacha DEIS Bhandá 1 an cóimheas 20:1 molta chun feidhme ag an leibhéal sóisearach agus 24:1 ag leibhéal sinsearach.

Maidir le scoileanna a ndeachaigh an Rannóg um Breithmheas Caipitil Scoileanna i dteagmháil leo i dtaca le saincheisteanna amhail fás déimeagrafach i limistéir áirithe, le Soláthar Foirne Réamh-mheasta Fadtéarmach, stádas aitheanta ag an mbunleibhéal (eadhon sruth amháin, srl), agus le toilleadh foirgneamh scoile, i measc nithe eile, ba cheart dóibh a rolluithe a bhainistiú mar a mholtar.

2. Príomhoide Riaracháin agus Leas-Phríomhoide Riaracháin

Tá na critéir maidir le ceapadh Phríomhoidí Riaracháin agus Leasphríomhoidí Riaracháin bunaithe ar an líon daltaí atá sa scoil.

Imlínítear na tairseacha rollaithe ábhartha in **Aguisín B** den Chiorclán seo.

3. Critéir do Scoileanna i mBéal Forbartha don Scoilbhliain 2020/21

Sainmhínítear scoil i mbéal forbartha mar scoil a réamh-mheastar go mbeidh a rollú an 30 Meán Fómhair 2020 níos airde ná a rollú an 30 Meán Fómhair 2019:

- i) faoi íosmhéadú uimhriúil (arna shonrú ag (a) agus (b) thíos)

agus

- ii) trí líon sonraithe de 5 daltaí breise a bheith aici thar an líon riachtanach do cheapachán

Sa chás go bhfuil scoil ag méadú líon na ranganna iontrála atá aici – rud a ghinfeadh sruth nua – ní mór don scoil cead don mhéadú sin a bheith faighte aici roimh ré ó phátrún na scoile agus ó Aonad Pleanála agus Tógála na Roinne.

Maidir le scoileanna a ndeachaigh an Rannóg um Breithmheas Caipitil Scoileanna i dteagmháil leo i dtaca le saincheisteanna amhail fás déimeagrafach i limistéir áirithe, le Soláthar Foirne Réamh-mheasta Fadtéarmach, stádas aitheanta ag an mbunleibhéal (eadhon sruth amháin, srl) agus le toilleadh foirgneamh scoile, i measc nithe eile, ba cheart dóibh a rolluithe a bhainistiú mar a mholtar.

- (a) I gcás bunscoileanna a bhfuil Príomhoide amháin móide 6 Múinteoirí Ranga Príomhshrutha nó níos lú mar fhoireann acu don scoilbhliain 2020/21, is é an t-íosmhéadú uimhriúil ar an bhfigiúr rollaithe don 30 Meán Fómhair 2019 dá dtagraítear in (i) thuas ná 15 dalta. Ní mór meánmhéid ranga sa bhreis ar 26 dalta a bheith i bhfeidhm freisin maidir leis na scoileanna sin atá ag lorg poist faoin gcritéir sin (féach na heisceachtaí thíos). Ríomhtar sin tríd an líon post príomhshrutha a réamh-mheastar don scoilbhliain 2020/21 (seachas poist forbraíochta) a chur i bhfeidhm maidir leis an líon daltaí a réamh-mheastar chun bheith rollaithe i mí Mheán Fómhair 2020.
- (b) Maidir leis na bunscoileanna le soláthar foirne de Phríomhoide móide 7 Múinteoirí Ranga Príomhshrutha nó níos mó don scoilbhliain 2020/21 bunaithe ar an sceideal soláthar foirne, is ionann an t-íosmhéadú uimhriúil sa rollú le hais rollú 30 Meán Fómhair 2019 dá dtagraítear ag (i) thuas agus 25 dalta.

Ní mór do scoileanna cáiliú faoin dá chritéir in (i) agus (ii) thuas agus, i gcás scoileanna den sórt sin, d'fhéadfaí go gceadófaí buanph(i)ost b(h)reise go sealadach ar feitheamh deimhniú an rollaithe bhailí an 30 Meán Fómhair 2020. Déanfar an soláthar foirne a leasú i bhfianaise na rolluithe bailí iarbhir an 30 Meán Fómhair 2020.

Chun rolluithe a dheimhniú chun críche soláthair foirne, ba chóir Áireamh Bliantúil na mBunscoileanna a chur isteach tríd an mBunachar Sonraí Bunscoile ar Líne (POD). Scoileanna a bhfuil post acu atá faofa go sealadach, ba chóir dóibh a chinntiú go geríochtnófar a dtuairisceáin chomh luath agus is féidir i ndiaidh chur ar fáil an áirimh ar an 1 Deireadh Fómhair 2020. Scoileanna a bhfuil deacrachtaí acu an tuairisceán áirimh a chomhlánú, ba chóir dóibh dul i dteagmháil leis an Deasc Chabhrach POD ar 01 889 2311 nó pod@education.gov.ie.

Tá dhá eisceacht ann:

1. **Scoileanna i mbéal forbartha atá ag iarraidh go gceapfar an dara múinteoir ranga príomhshrutha (P+2)**

I gcásanna den sórt sin, na scoileanna a réamh-mheasann go mbeidh íosmhéadú uimhriúil 15 dalta acu an 30 Meán Fómhair 2020 sa bhreis ar an bhfigiúr rollaithe an 30 Meán Fómhair 2019; ní gá dóibh an líon sonraithe de 5 daltaí breise ar an bhfigiúr ceapacháin ná an mheánmhéid shonraithe ranga a chomhlíonadh. Mar sin féin, ní mór an t-íosrollú réamh-mheasta 54 dalta a bhaint amach ar mhaithe leis an dara múinteoir ranga príomhshrutha a fháil ar fhorais scoile i mbéal forbartha don scoilbhliain 2020/21.

2. **Scoileanna atá ag iarraidh go gceapfar níos mó ná post amháin i scoil i mbéal forbartha**

I gcásanna den sórt sin, ní mór do scoileanna an ceanglas a bhaineann le híosmhéadú uimhriúil agus an líon sonraithe de 5 daltaí breise a chomhlíonadh, sa bhreis ar an bhfigiúr ceapacháin don chéad phost i scoil i mbéal forbartha. I gcás gach post a iarrfar ina dhiaidh sin, ní mór an líon sonraithe de 5 daltaí breise ar an bhfigiúr ceapacháin a chomhlíonadh.

Ba chóir do scoileanna [foirm iarratais chomhlánaithe ar pho\(i\)st b\(h\)reise teagaisc ar fhorais scoile i mbéal forbartha](#) a sheoladh chuig Rannóg Leithdháiltí Bunmhúinteoirí na Roinne, primaryallocations@education.gov.ie, an nó roimh **Déardaoin 27 Márta 2020**. Cé go ndéanfar breithniú ar iarratais mhalla freisin, moltar do scoileanna a chinntiú go mbeidh a n-iarratais seolta chuig Rannóg Leithdháiltí Bunmhúinteoirí na Roinne, an **Déardaoin 27 Márta 2020** nó níos déanaí.

Agus acmhainní breise á lorg acu ón Roinn ar fhorais scoile i mbéal forbartha, meabhraítear do scoileanna go bhfuil sé an-tábhachtach gur réadúil atá an rollú réamh-mheasta a thugtar. Más rud é nach bhfuil an rollú réamh-mheasta bainte amach an 30 Meán Fómhair 2020, déanfar líon foirne na scoile a laghdú dá réir sin.

4. **Scoileanna Oileánda**

Scoileanna Oileánda le Múinteoir Amháin (i.e. Príomhoide amháin)

Faoi mar a fógraíodh i gCáinainisnéis 2017, sa chás gurb í an bhunscoil an t-aon scoil ar an oileán, is amhlaidh a leithdháilfear an dara múinteoir príomhshrutha don scoil le héifeacht ó Mheán Fómhair 2017.

Scoileanna Oileánda le Triúr Múinteoirí (i.e. PO+2)

Sa chás go gcaillfear an tríú post ranga i scoil oileánda ó laghdú i líon na ndaltaí, is féidir an tríú post a choinneáil, faoi réir líon iomlán na ndaltaí sa scoil bheith os cionn 45, agus gurb í an scoil an t-aon bhunscoil ar an oileán.

5. Poist do Mhúinteoirí Oideachais Speisialta (Poist M.O.S.)

Chuir an Chomhairle Náisiúnta ar Oideachas Speisialta (CNOS) in iúl do gach scoil faoin leithdháileadh teagaisc i mí an Mhárta 2019.

Leagtar amach in **Aguisín C** den chiorclán seo an leithdháileadh uaireanta an chloig teagaisc maidir le hoideachas speisialta mar a chuir CNOS in iúl do gach scoil é.

Taispeántar na huaireanta sin mar phoist lánaimseartha (ar bhonn 25 huairé a bheith coibhéiseach le 1 phost múinteoireachta), agus cothromaíocht na n-uaireanta agus na nóiméad nach bhfuil i gcnuasach do gach scoil.

Ní gá do scoileanna atá i socrú cnuasaigh atá i bhfeidhm cheana (comhaontaithe don scoilbhliain 2019/20) fógra a thabhairt don Roinn de bhrí go mbeidh na cnuasaigh sin i bhfeidhm don scoilbhliain 2020/21.

Is féidir le scoileanna a bhfuil uaireanta páirtaimseartha acu socrú cnuasaigh a dhéanamh chun post lánaimseartha buan (25 huairé an chloig) a bhaint amach trí shocrúithe a roinnt le scoil nó scoileanna eile in aice láimhe. Ba chóir don scoil bhunáite sa chnuasach Foirm maidir le Múinteoir Oideachais Speisialta MOS Cnuasach 2020 (atá lé fáil in Aguisín D) a chur chuig an Rannóg um Leithdháileadh Bunscoile roimh Dé hAoine an 27ú Márta 2020.

Tar éis an phróisis scoil-threoraithe sin, féadfar cnuasphróiseas faoi cheannas na Roinne a thionscnamh le haghaidh aon uaireanta i leith Múinteoirí Oideachais Speisialta (M.O.S.) atá fágtha chun ath-implonú aon mhúinteoirí buana barrachais atá fágtha a éascú.

Meabhraítear do scoileanna go bhfanfaidh cnuasach M.O.S. i bhfeidhm go dtí an chéad athbhreithniú eile ar an leithdháileadh teagaisc maidir le hOideachas Speisialta ag CNOS.

Stádas na bPost MOS

Is buanphoist iad gach post lánaimseartha MOS, idir phoist lánaimseartha i scoil amháin agus phoist bhunáite do chnuasaigh MOS. Mar sin, ba cheart iad a líonadh de réir na socruithe ath-implonaithe.

Maidir le huaireanta páirtaimseartha atá fágtha i scoil agus nach bhfuil cnuasaithe ina bpoist lánaimseartha, ní féidir iad a líonadh ach ar bhonn sealadach.

Scoileanna cónasctha agus nuabhunaithe a bheidh ar oscailt den chéad uair sa scoilbhliain 2020/21

Maidir le scoileanna atá nuabhunaithe nó nuachónasctha sa scoilbhliain 2020/21, déanfaidh an Chomhairle Náisiúnta um Oideachas Speisialta/an Rannóg Oideachais Speisialta sa Roinn a leithdháileadh Oideachais Speisialta a ríomh.

6. Leithdháiltí Breise do Scoileanna a bhfuil Líon Mór Daltaí óna dteastaíonn Tacaíocht Teanga (EAL) acu

Is sa tsamhail leithdháilte Oideachais Speisialta a choinnítear agus a léirítear an soláthar sin, agus foráiltear léi go mbíonn bun-leithdháileadh ag gach scoil chun cúnaimh le daltaí le deacrachtaí foghlamtha agus litearthachta, lena n-áirítear iad siúd ag éirí as an mBéarla mar éilimh Theanga Breise (EAL).

Tá tacaíocht breise ar fáil do scoileanna le comhchruinnithe daltaí óna dteastaíonn tacaíocht teanga acu.

Na scoileanna dár leithdháileadh buanpho(i)st tacaíochta teanga (EAL) sa scoilbhliain 2019/20; coinneoidh siad an post/na poist sin sa scoilbhliain 2020/21. Liostaítear na scoileanna ábhartha ag **Aguisín C**.

Déanfaidh an Roinn athbhreithniú rialta ar an riachtanas leanúnach a bhíonn ann leis an mbuanphost/na buanphoist tacaíochta teanga, agus aird á tabhairt ar threochtaí rollaithe agus ar an líon daltaí óna dteastaíonn tacaíocht teanga.

An Próiseas Achomhairc:

Féach Cuid 4 le haghaidh sonraí faoin gcritéar achomhairc atá ann maidir le po(i)st sealadach(a) breise tacaíochta teanga a sholáthraítear bunaithe ar achomhairc chuig an mBord Achomhairc um Sholáthar Foirne Bunscoile.

7. Poist mar Phríomhoide le Tráth Scaoilte

I gCiorclán 0019/2020, leagtar amach na laethanta scaoilte do phríomhoidí i scoileanna ina bhfuil príomhoidí teagaisc don scoilbhliain 2020/21.

Mar gheall ar an méadú ar laethanta scaoilte do phríomhoidí, scoirfidh gach braisle Lá Scaoilte atá i bhfeidhm ag deireadh na scoilbhliana 2019/20. Beidh an deis ag scoileanna anois a laethanta scaoilte do Phríomhoidí a bhraisliú ina bpoist lánaimseartha Ama Scaoilte do Phríomhoide, i gcomhréir le [Ciorclán 0019/2020](#). Tá an fhoirm iarratais do Phoist Ama Scaoilte Phríomhoide ar fáil in [Aguisín A de Chiorclán 0019/2020](#). Is é an 24ú Aibreán 2020 an dáta deiridh chun iarratais a fháil.

Cuirtear i gcuimhne do scoileanna gur poist ar théarma seasta iad na Poist Ama Scaoilte do Phríomhoide agus féadfar nach líonfar iad go dtí go molann an Roinn nach bhfuil na poist sin riachtanach do mhúinteoirí atá ar an bPríomhphainéal.

Cuid 2

Sonraí cúlra faoi na Socruithe Soláthar Foirne don scoilbhliain 2020/21

1. Folúntais Teagaisc

Nuair a fhoilsítear an sceideal foirne bliantúil ar láithreán gréasáin na Roinne, tá sé de dhualgas ar an scoil aon fholúntais atá ag teacht chun cinn a eascraíonn as cur i bhfeidhm an sceidil foirne don scoilbhliain atá le teacht a chur in iúl, tríd an ríomhphost.

Ar leithligh, eiseoidh Leithdháiltí Bunscoile Foirm Pleanála Foirne do gach bunscoil. Ní mór do scoileanna an Fhoirm Pleanála Foirne comhlánaithe a sheoladh ar ais chuig an Rannóg um Leithdháileadh Bunscoile ag léiriú stádas na foirne don scoilbhliain 2020/21 agus na folúntais dá bharr.

Ní mór an fógra sin a thabhairt don Oibreoir Painéil agus don Roinn roimh **Dé hAoine an 27ú Márta 2020**.

Ní mór fógra a thabhairt don Oibreoir Painéil agus a chur ar an bhFoirm Pleanála Foirne maidir le gach folúntas buan, folúntais sainchuspóra agus folúntais ar théarma seasta a mhairfidh feadh na scoilbhliana iomláine nó a cheadaítear ar an gcéad lá oibre de Shamhain nó roimhe sin agus a mhairfidh ar feadh na coda eile den scoilbhliain.

Tá sé de dhualgas ar an scoil freisin a chur in iúl don Oibreoir Painéil agus don Rannóg um Leithdháileadh Bunscoile maidir le folúntais den chineál sin a thagann chun cinn tar éis dáta an fhógra. Ní mór é sin a dhéanamh laistigh de 5 lá oibre tar éis don scoil eolas a fháil faoin bhfolúntas.

2. Fógra faoi Fholúntais

Ní mór do gach scoil a gcuid folúntas a chur in iúl dá nOibreoir Painéil agus do Leithdháiltí Bunmhúinteoirí, mar atá leagtha amach thuas. Sa chás go dtugann scoil fógra don Oibreoir Painéil agus don Rannóg um Leithdháileadh Bunscoile faoi phost/faoi phoist lasmuigh de na tréimhsí ama atá leagtha amach thuas, beidh ar an scoil an post/na poist a thairiscint láithreach do mhúinteoirí ar an bpainéal. Seachas sin, beidh cosc ar an scoil an post/na poist sin a líonadh go dtí go gcomhlíontar oibleagáid na scoile ar na painéil ath-implonaithe.

Sa chás go gceapfar Oifigeach Painéil, déanfaidh sé/sí, ar an gcéad dul síos, teagmháil le haon scoil ar theip uirthi folúntas a chur in iúl laistigh den tréimhse ama riachtanach, d'fhonn líonadh an fholúntais a shocrú trí mhúinteoir a ath-implonú.

3. Socruithe Ath-implonaithe

Tugaidís na scoileanna faoi deara le linn an príomhphainéal a bheith i bhfeidhm, nach féidir buanfholúntais teagaisc ná folúntais teagaisc ar théarma seasta a líonadh ach amháin ón bpríomhphainéal ath-implonaithe iomchuí.

Níl cead ag Boird Bhainistíochta tús a chur le próiseas earcaíochta chun buanfholúntas teagaisc nó folúntas teagaisc ar théarma seasta a líonadh ar aon bhealach eile go dtí go mbeidh an Roinn sásta nach bhfuil aon phoist fholmha ag teastáil chun aon bhuanmhúinteoirí/ mhúinteoirí CID breise ar an bpríomhphainéal a ath-implonú.

Braithfidh uainiú líonadh na bhfolúntas teagaisc ar aon bhealach eile ar cé chomh tapa agus a ath-implonófar buanmhúinteoirí/múinteoirí le CID i bhfolúntais. Foilseoidh an Roinn nuashonruithe rialta painéil ar a láithreán gréasáin, rud a chuirfidh scoileanna agus múinteoirí ar an eolas faoin dul chun cinn atá á dhéanamh ar an bpróiseas ath-implonaithe buanmhúinteoirí/múinteoirí CID.

4. Feabhsaithe ar an bpróiseas le buanfholúntas a líonadh tríd an bPríomh-Phainéal Ath-implonaithe

Is féidir le scoileanna úsáid a bhaint anois as láithreán gréasáin, i.e. educationposts.ie nó staffroom.ie mar bhealach teagmhála leis an bPríomhphainéal Ath-implonaithe. Is féidir leis an scoil é seo a dhéanamh trí úsáid a bhaint as an láithreán gréasáin le cuireadh a thabhairt do mhúinteoirí ar an bPríomh-Phainéal Ath-implonaithe iomchuí chun spéis a léiriú i mbuanphost. Féach an cháipéis CC maidir le Socruithe Ath-implonaithe do Bhuanmhúinteoirí Buana agus Múinteoirí le CID – C 6.3.2.

Is amhlaidh fós áfach go gcaithfear gach múinteoir ar an bpríomhphainéal a ath-implonú sula gceadaítear fuilleach na mbuanphost a líonadh ar aon bhealach eile nó chun folúntais mhúinteoireachta téarma seasta a líonadh.

Ceapacháin chuig post an Leas-Phríomhoide

Déantar foráil i gCiorclán 0044/2019 le haghaidh “Earcaíochta/Cur Chun Cinn agus Ceannaireacht do Mhúinteoirí Cláraithe i mBunscoileanna Aitheanta” do cheapachán Post mar Leas-Phríomhoide trí chomórtas oscailte do scoileanna le 10 múinteoir ranga nó níos mó sa scoilbhliain 2020/21. Ba cheart do na scoileanna sin a bhfuil folúntais do phost an Leas-Phríomhoide acu don scoilbhliain 2020/21 an post a fhógairt a luaite is eol don scoil go mbeidh an folúntas ann. Má cheaptar duine atá ina b(h)all foirne den scoil cheana féin mar Leas-Phríomhoide, ní mór an folúntas iarmhartach a líonadh trí na socruithe foilsithe ath-implonaithe. Má líontar an folúntas do phost an Leas-Phríomhoide trí cheapachán seachtrach, ní thiochfaidh aon fholúntas aníos don Phainéal.

Ceadaítear le Ciorclán 0044/2019, sa chás nach ndéanann aon iarratasóir inmheánach iarratas ar phost an Leas-Phríomhoide i scoileanna le níos lú ná 10 múinteoirí ranga, go bhféadfaidh an scoil an post a líonadh trí chomórtas oscailte ar choinníoll go bhfuil folúntas buan foirne sa scoil. Sa chás sin, ní thagann aon fholúntas chun cinn don Phainéal.

5. **CIDí faoi théarmaí Chiorcláin 0023/2015**

(i) **Múinteoirí a fuair CID don scoilbhliain 2019/20 nó roimhe sin**

Ní mór do scoil “Foirm Dhearbhaithe CID 20” (Aguisín G) a chomhlánú agus a chur ar ais chuig An Rannóg Leithdháiltí Bunmhúinteoirí Déardaoin 27 Márta 2020 nó roimhe sin le haghaidh gach múinteoir le CID (a bronnadh faoi théarmaí Chuid A1 nó A2 de Chiorclán 0023/2015 don scoilbhliain 2019/20 nó roimhe sin.

Ba chóir go dtabharfadh na scoileanna faoi deara go bhfanann an sealbhóir CID ina scoil féin chomh fada agus a bhíonn folúntas ann, bíodh sé buan nó ar théarma seasta a bhíonn ar fáil dó/di sa scoil.

Sa chás nach mbíonn post ar bith ar fáil, agus gurb é an sealbhóir CID an múinteoir breise buan/le CID is sóisearaí sa scoil, ba cheart go gcomhlíonfaí agus go seolfaí air ais Foirm Iarratais Phríomh-Phainéil chuig an Roinn.

(ii) **Múinteoirí a bhfuil CID le bronnadh orthú ó thosach feidhme na scoilbhliana 2020/21**

Ní mór do scoileanna iarratas a dhéanamh ar cheadú na Roinne do bhronnadh CID i ndáil le múinteoir a mheastar bheith incháilithe do bhronnadh CID leo sa chéad uair nó CID d’uaireanta breise ó thús na scoilbhliana 2020/21. Is i gCiorclán 0023/2015 na riachtanais incháilitheachta do CID.

Ba cheart go dtabharfadh scoileanna faoi deara go bhfuil sé ceadaithe post buan a úsáid atá ar fáil sa scoil ón 1ú Meán Fómhair 2020 mar an post inmharthana a theastaíonn don chonradh tréimhse éiginnte.

Is féidir iarratas a dhéanamh ar **Aguisín H** - Fhoirm CIDApp(20.21).

Seoltar foirmeacha comhlánaithe chuig Rannóg Leithdháiltí Bunmhúinteoirí na Roinne faoin **Dé hAoine 27 Márta 2020**.

(iii) **Post mar mhúinteoir dár bronnadh CID páirtaimseartha roimh an scoilbhliain 2020/21**

Má mhaireann an leithdháileadh páirtaimseartha sa scoil, agus más mian leis an scoil an leithdháileadh páirtaimseartha sin a chomhcheangal chun post roinnte M.O.S. lánaimseartha a chruthú, agus an scoil sin mar an scoil bhunáite, féadfaidh an múinteoir CID an post roinnte lánaimseartha M.O.S. a ghlacadh.

6. Post Formheasta Sealadach a Líonadh

Leithdháilfear poist do scoileanna ar bhonn sealadach, agus ní dheimhneofar iad don scoilbhliain 2020/21 go dtí go ndeimhneoidh an scoil go bhfuil an rollú réamh-mheasta don 30 Meán Fómhair 2020 bainte amach acu. Is iad na poist sin:

- post buan i scoil i mbéal forbartha
- post buan a formheasadh faoin gcritéar achomhairc um sholáthar foirne do scoileanna beaga
- post buan a formheasadh faoin gcritéar achomhairc um sholáthar foirne chun maolú a dhéanamh ar roinnt den bhrú ar mhéideanna ranga ag leibhéal naíonán do bhunscoileanna a chuireann go mór leis trí fhás déimeagrafach a ionsú
- post sealadach a formheasadh faoin gcritéar achomhairc um sholáthar foirne do thacaíocht EAL

Ní féidir na poist buan thuasluaite a líonadh ar bhonn buan ó 1 Meán Fómhair 2020 ach amháin sa chás go líonann buanmhúinteoir /múinteoir CID sa scoil atá i ndán ath-implonaithe tríd an bPríomhphainéal ach atá á choinneáil i gceann de na poist thuas. Is féidir buanmhúinteoir breise sa scoil roghnú chun a c(h)earta painéil a iarchur le post sealadach EAL a leithdháileadh ar an scoil ag an mBord Achomhairc um Soláthar Foirne ag an mBunleibhéal a ghlacadh. Sa chás nach mbaintear mach an rollú a mbeidh gá, eis, cuirfear an múinteoir ar ais ar an bPríomhphainéal.

Níor cheart go líonfaí na poist sin ar bhonn buan ag múinteoirí ar an bPainéal Forlíontach mura bhfógraítear dóibh nach dteastaíonn an post d'ath-implonú múinteora bhuan/i seilbh CID.

Seachas sin ní bheidh cead ag scoileanna a thugtar faomhadh sealadach dóibh do ceann amháin de na poist mhúinteoireachta thuas na poist seo a líonadh ach amháin ar bhonn sealadach suas go dtí **Dé hAoine 23 Deireadh Fómhair 2020**.

Tabharfaidh an Roinn eolas don/do na scoil(eanna) lena mbaineann a luaithe is féidir i mí Dheireadh Fómhair an dteastaíonn an folúntas sin chun ath-implonú buanmhúinteora/múinteora CID breise a éascú. Má tá an post ag teastáil le haghaidh buanmhúinteoir/múinteoir CID breise a ath-implonú, ní mór scor den chonradh téarma sheasta an 23 Deireadh Fómhair 2020. Tá sé tábhachtach go léirítear na socrúithe sin sa chonradh le haghaidh an phoist ar théarma seasta.

Mura bhfuil an post ag teastáil le haghaidh buanmhúinteora breise a ath-implonú, féadfar é a líonadh ag an bpointe sin mar seo a leanas:

- Nuair a fhanann múinteoirí ar an bPainéal Forlíontach laistigh de limistéar painéil na scoile, ní mór an t-oide a cheapadh ón bPainéal Forlíontach faoi gcéad lá oibre de mhí na Samhna.
- Nuair atá an Painéal Forlíontach laistigh de limistéar painéil na scoile folamh, tabharfar cead don scoil leanúint ar aghaidh chuig fógraíocht oscailte.
- Is é an dáta deiridh le buanphost a líonadh ar bhonn buan ná Dé Luain 2 Samhain 2020. Ina dhiaidh sin ní féidir post buan a líonadh ach ar bhonn téarma seasta amháin, ach amháin más buanmhúinteoir/múinteoir CID ón bPríomhphainéal an duine ceaptha.

Tá sé tábhachtach a thabhairt faoi deara nach féidir le scoileanna tús a chur leis an bpróiseas fógraíochta agus earcaíochta do na folúntais sin go dtí go mbeidh sé ceadaithe ag an Roinn sin a dhéanamh.

Ní bhaineann na socruithe sin le poist mar Phríomhoide, a leanfar á líonadh ar an ngnáthbhealach ar bhonn buan.

5. Rolluithe Bailí

Déantar an líon múinteoirí ranga príomhshrutha is cuí do scoil don scoilbhliain 2020/21 a chinneadh trí thagairt do rollú bailí na scoile an 30 Meán Fómhair 2019. Tá an scideal rollaithe daltaí a theastaíonn do cheapadh agus do choinneáil múinteoirí ranga príomhshrutha don scoilbhliain 2020/21 faoi iamh in Aguisín A.

Ní féidir ach daltaí a iontráladh go **bailí** ar an rolla an 30 Meán Fómhair 2019 a chur san áireamh chun críche líon foirne a chinneadh. Chuige sin is amhlaidh a chaithfear cloí i dtéarmaí Chirocláin na Roinne 24/02 - Cinneadh Rollú Bailí i mBun- Scoileanna - agus 32/03 – Coinneáil Daltaí i mBunscoileanna. Meabhraítear do scoileanna nár chóir ligean do leanbh freastal ar bhunscoil ná bheith rollaithe i mbunscoil go dtí go mbainfidh sé/sí ceithre bliana amach.

Níor chóir daltaí a choinnítear ar an gclár scoile an 30 Meán Fómhair chun críche an tAcht Oideachais agus Leasa, 2000, a chomhlíonadh, a chomhaireamh le haghaidh rollú bailí d'fhonn an líon foirne a chinneadh.

Tá sé tábhachtach a thabhairt faoi deara nach gcuimsíonn rolluithe bailí ach na daltaí sin atá rollaithe an 30 Meán Fómhair agus a bhfuiltear ag súil leis ag an bpointe sin go mbeidh siad fós rollaithe sa scoil ar feadh na scoilbhliana. Má tá aon rolluithe gearrthéarmacha sa scoil (lena n-áirítear daltaí ó thír eile atá rollaithe go sealadach chun a gcaighdeán Béarla a fheabhsú nó nuair is eol go n-aistroidh na daltaí chuig scoil eile tamall gearid tar éis 30 Meán Fómhair), ní féidir na daltaí sin a chur san áireamh sa tuairisc rollaithe ón scoil.

Maidir leis na scoileanna sin ina bhfuil ranganna speisialta, is é rollú foriomlán na scoile (daltaí i ranganna speisialta agus daltaí i ranganna príomhshrutha) a chinneann líon na múinteoirí príomhshrutha sa scoil. Tá sé mar aidhm leis sin tacú le daltaí ó ranganna speisialta a chuimsiú sna ranganna príomhshrutha, de réir mar is cuí. Ar leithligh, déanann an Chomhairle Náisiúnta um Oideachas Speisialta ranganna speisialta a leithdháileadh mar acmhainní teagaisc.

Meabhraítear do Bhoird Bhainistíochta agus do Phríomhoidí an tábhacht a bhaineann le beachtas tuairisceán rollaithe don Roinn a chinntiú. Tá freagracht orthu as an Roinn a chur ar an eolas láithreach faoi aon earráid nó aon mhírialtacht ina dtuairisceáin rollaithe. Is é gnáthbheartas na Roinne maidir le cásanna ina ndéantar rolluithe a rólua d'aonghnó ná iad a chur ar aghaidh chuig An Garda Síochána.

Cuid 3

Socruithe Ath-implonaithe don scoilbhliain 2020/21

Tá na socruithe ath-implonaithe mionsonraithe leagtha amach i bhformáid **Ceisteanna Coitianta** ar láithreán gréasáin na Roinne.

Áirítear leis na socruithe ath-implonaithe na nithe seo a leanas:

1. **Próiseas ath-implonaithe do bhuanmhúinteoirí/do mhúinteoirí CID**

- (i) Cruthaítear gach príomhphainéal do mhúinteoirí breise buana/i seilbh CID chun a chinntiú go dtairgtear folúntais sa chéad dul síos leis na múinteoirí úd.

Tá sé beartaithe go bhfoilseofar na príomhphainéil faoi dheireadh mhí Aibreán. Is é an dáta is déanaí i lár mhí na Aibreán faoina gcaitheann a bhfolúntais a bheith líonta ag scoileanna ón bpríomhphainéal, agus tabharfar comhairle chuige sin dóibh ag an tráth sin. Ina dhiaidh sin, ceapfar Oifig Phainéil chun ath-implonú aon bhuanmhúinteoirí/múinteoirí CID breise a éascú.

- (ii) Ní mór folúntais teagaisc a thairiscint laistigh de thréimhse seo do bhuanmhúinteoirí/do mhúinteoirí CID ar phríomhphainéal san ord tosaíochta seo a leanas:

- a. Buanfholúntais laistigh de limistéar an phainéil (m.sh. deoise)
- b. Folúntais sainchuspóra agus folúntais ar théarma seasta laistigh de limistéar an phainéil (m.sh. deoise) a mhaireann tréimhse na scoilbhliana iomláine nó a cheadaítear an chéad lá oibre de mhí na Samhna nó roimhe sin agus ar don tréimhse den scoilbhliain atá fágtha iad.
I gcásanna mar a ath-implonáíodh múinteoir chuig folúntas sealadach i scoil chomharsanach, agus go dtagann post buan aníos laistigh de limistéar painéil an mhúinteora ina dhiaidh sin, forchoimeádan an Roinn an ceart aici féin an múinteoir a ath-implonú sa phost buan.

- (iii) Féadfaidh buanmhúinteoirí/múinteoirí CID breise a roghnú post a ghlacadh lasmuigh den gha 45 km agus féadfaidh sé sin cuidiú le laghdú a dhéanamh ar an ngá le feidhmiú na socruithe teagmhasacha atá leagtha amach ag Uimh. 2 agus Uimh. 3 thíos.

2. Ath-implonú idirdheoiseach

Sa chás nach ndéanann na socrúithe atá leagtha amach ag Uimh. 1 thuas ath-implonú ar na buanmhúinteoirí/na múinteoirí CID breis uile ar phainéal deoise, ní mór na poist uile a fhanann folamh i scoileanna i ndeoisí tadhlacha a bheith ar fáil do na múinteoirí sin, agus tá líonadh an phoist/na bpost sin le baint amach trí chomhoibriú idirdheoiseach arbhonn téarma seasta.

3. Socrúithe ath-implonnaithe d'aon bhuanmhúinteoirí/ mhúinteoirí CID breise atá fágtha

Más rud é, i ndiaidh na bpróiseas atá leagtha amach faoi phointe 1 faoi phointe 2 thuas, go bhfuil aon bhuanmhúinteoirí/mhúinteoirí CID le cois fágtha, beidh gá le socrúithe breise chun a n-ath-implonú i bhfolúntais i scoileanna a éascú.

Ní úsáidfeadh na socrúithe breise sin ach amháin sna cásanna sin nach bhfuil aon rogha inmharthana eile ann d'ath-implonú na mbuanmhúinteoirí/na múinteoirí CID le cois atá fágtha. Cinnfeadh na socrúithe beachta atá le húsáid ar bhonn cáis ach dul i mbun plé leis na comhpháirtithe oideachais cuí agus leis an bPátrún ábhartha. Úsáidfeadh na prionsabail seo a leanas d'fheidhmiú na socrúithe sin:

- (i) Ar an gcéad dul síos, scrúdófar an staid maidir le cé acu is féidir nó nach féidir solúbthacht ar bith i gComhaontú Bhóthar Haddington 2014-2016 maidir leis an nga 45km d'ath-implonú a chur i bhfeidhm go cuí chun ath-implonú an bhuanmhúinteora/an mhúinteora CID breise a bhaint amach chuig scoil den chineál céanna pátrúnachta.
- (ii) Ar an dara dul síos, scrúdófar an scóp le hath-implonú an bhuanmhúinteora /an mhúinteora CID le cois a bhaint amach ar bhonn roghnach trí iarratas á dhéanamh ag an múinteoir le bheith curtha ar phainéal de phátrúnacht éagsúil. Fágfar é faoin bpátrún ábhartha cead a thabhairt don iarratas sin.
- (iii) Mura bhfuil aon rogha inmharthana eile ar fáil ansin, déanfar sannadh sealadach chuig folúntas i scoil de chineál éagsúil pátrúnachta. Mairfidh an sannadh sealadach seo ar feadh na scoilbhliana ábhartha. Coinneoidh aon mhúinteoir ar shannadh sealadach ar an mbealach sin na cearta painéil atá aige/aici cheana don phainéal ath-implonnaithe ábhartha dá scoil bhunáite. Ní bhfaighidh múinteoirí dá leithéid cearta painéil i leith an phainéil ath-implonnaithe a bhaineann leis an scoil ina bhfuil an sannadh sealadach. Beidh ar na múinteoirí sin cloí le riachtanais an Bhoird Bhainistíochta maidir leis an dualgas atá air éiteas na scoile a choinneáil, comhsheasmhach leis an dlí.

Is é an cur chuige a bheidh ag an Roinn maidir le feidhmiú na socrúithe fágtha atá leagtha amach ná comhaontú a lorg d'aonghuth. Chuige sin, beidh comhairliúchán leanúnach ar siúl leis na geallsealbhóirí cuí maidir le feidhmiú an phróisis ath-implonnaithe.

Cuid 4

An Bord Achomhairc um Sholáthar Foirne ag an mBunleibhéal

1. Socruithe don scoilbhliain 2020/21

Déanfaidh an Bord Achomhairc um Sholáthar Foirne ag an mBunleibhéal, a fheidhmíonn neamhspleách ón Aire agus ón Roinn, achomhairc don scoilbhliain 2020/21 a athbhreithniú. Tá na critéir achomhairc leagtha amach faoi phointe 4 thíos.

An chéad chruinniú de Bhord Achomhairc um Sholáthar Foirne ag an mBunleibhéal chun dul i ngleic leis an scoilbhliain 2020/21; reáchtálfar i mhí Aibreán na bliana é. Tionólfar cruinnithe eile i mí Mheithimh agus i mí Dheireadh Fómhair 2020.

Is é **De hAoine 27 Márta 2020** an spriocdháta d'achomhairc sholáthar foirne a chur isteach don chéad chruinniú de chuid an Bhoird Achomhairc um Sholáthar Foirne ag an mBunleibhéal.

Postálfar na dátaí deiridh le haghaidh achomhairc sholáthar foirne a chur isteach agus dátaí do chruinnithe amach anseo ar shuíomh Gréasáin na Roinne in am trátha.

Tabhair faoi deara go gcoífeáir go docht le spriocdhátaí, agus dá réir sin, ní bhreithneoidh an Bord ag an gcruinniú sin achomhairc a fhaightear tar éis spriocdháta ar leith.

Ní mór achomhairc a chur chuig an Rannóg Leithdháiltí Bunmhúinteoirí, an Roinn Oideachais agus Scileanna, Corr na Madadh, Baile Átha Luain, Co. na hIarmhí, ar an bhfoirm iarratais chaighdeánach, lena luaitear go soiléir an critéar faoina bhfuil an t-achomhairc á dhéanamh. Cuir “Achomhairc Sholáthar Foirne” ar an gclúdach.

Tá an fhoirm iarratais chaighdeánach ar fáil in **Aguisín F (a – g)**.

Cuirfear stádas DEIS na scoile san áireamh in aon iarratas achomhairc.

2. Ombudsman

I bhfianaise na leasuithe ar an Acht Ombudsman 2012, aon scoil a mheasann nár chuir an Bord Achomhairc um Sholáthar Foirne ag an mBunleibhéal na critéir achomhairc i bhfeidhm go cóir san achomhairc, féadfaidh sí gearán a chur faoi bhráid an Ombudsman.

Is é ról an Ombudsman i ndáil le hachomhairc ar bith ná athbhreithniú a dhéanamh ar cé acu a dhéileáil nó nár dhéileáil an Bord Achomhairc leis go cóir agus de réir na gcritéir achomhairc. Ní áit é do scoileanna le breis acmhainní a lorg, mar sin.

Is féidir teagmháil a dhéanamh le hOifig an Ombudsman ag www.ombudsman.gov.ie

3. Ní cheadaítear do Bhord Bainistíochta ach achomharc amháin a dhéanamh i gcás ar leith

Measfar gur cinneadh deiridh é breithiúnas an Bhoird Achomhairc maidir leis an bpost (na poist) agus ní bhreithneofar aon iarratais bhreise chuig an mBord Achomhairc i dtaca leis an scoilbhliain 2020/21 **ach sa chás gur tháinig athrú ar chúinsí na scoile, m.sh. rolluithe breise.**

4. Critéir Achomharc

Féadfaidh an Bord Achomhairc a chinneadh go bhfuil sé riachtanach imeacht ón sceideal soláthar foirne sna cúinsí a bhfuil cur síos orthu i bpointí (a) go (g) thíos:

a) Deacracht cóiríochta eisceachtúil

I gcás go n-iarrtar athrú ar an sceideal soláthair foirne chun freastal ar dheacrachtaí eisceachtúla maidir le cóiríocht. Ní mór don scoil a léiriú chun sástacht an Bhoird an fáth go bhfuil post múinteoireachta breise ag teastáil chun freastal ar an deacracht cóiríochta eisceachtúil.

b) Rollú Dheireadh Fómhair 2019

Sa chás go bhfuil an Bord Achomhairc sásta, ar bhonn fianaise infhíoraithe, go raibh an líon riachtanach daltaí rollaithe i mí Mheán Fómhair* nó i mí Dheireadh Fómhair 2019, ach de bharr cúinsí nach raibh neart ag an scoil orthu, ní raibh siad cláraithe an 30 Meán Fómhair 2019. Mar sin féin, chun críocha soláthar foirne, ní féidir dalta a bheith san áireamh ach i rollú scoile amháin in aon scoilbhliain amháin**.

*Ní bheidh dalta a fhágann an scoil roimh an 30 Meán Fómhair agus nach bhfilleann ar an scoil sa scoilbhliain incháilithe lena bhreithniú faoin gcritéar sin.

** Sa chás gur féidir leis an scoil ina raibh an dalta rollaithe an 30 Meán Fómhair a fhíorú nár ghá an dalta a chomhaireamh i leith múinteoir a cheapadh nó a choinneáil sa scoil sin, breithneoidh an Bord Achomhairc cead a thabhairt chun an dalta a chomhaireamh mar chuid den rollú chun críocha soláthar foirne sa scoil ar aistrigh sé/sí chuici.

c) Post Forbraíochta atá bunaithe ar rolluithe breise tar éis an 30 Meán Fómhair 2020

Ní bhaineann an critéar seo ach leis na scoileanna sin a fuair ceadú sealadach do pho(i)st forbraíochta, nár shroich dóthain rolluithe an 30 Meán Fómhair 2020 chun an post a choinneáil. Ó tharla go mbaineann an critéar sin le fíorú ar rollú iarbhir an 30 Meán Fómhair 2020, ní féidir leis an mBord Achomhairc achomhairc faoin gcritéar sin a bhreithniú ach amháin ag cruinniú an Bhoird Achomhairc do mhí Dheireadh Fómhair.

Nuair a mheasann an Bord, maidir le bronnadh poist faoi na critéir scoile i mbéal forbartha, go raibh an líon daltaí réamh-mheasta a theastaigh leis an bpost a choinneáil rollaithe nó ar dhócha go mbeidh siad rollaithe faoin lá deiridh den téarma i mí na Nollag 2020, ach de bharr cúinsí nach raibh neart ag an scoil orthu, nár rolladh iad mar a rabhtas ag súil leis an 30 Meán Fómhair 2020. Na foirmeacha rollaithe/litreacha ó thuismitheoirí **ag deimhniú an dáta do rollú ionchasach na ndaltaí**; caithfear iad a sholáthar leis an achomharc.

Ceadófar post arna leithdháileadh ag an mBord Achomhairc faoin gcritéar seo ar bhonn sealadach faoi réir ag dearbhú go bhfuil an rollú riachtanach a bheith bainte amach faoin lá deiridh den téarma i mí na Nollag 2020. Mar atá le Critéar B, ní féidir dalta a bheith san áireamh ach i rollú scoile amháin in aon scoilbhliain amháin

Sa chás gur féidir leis an scoil ina raibh an dalta rollaithe an 30 Meán Fómhair 2020 a híorú nár ghá don dalta a chomhaireamh i leith múinteoir a cheapadh nó a choinneáil sa scoil sin, breithneoidh an Bord Achomhairc cead a thabhairt don dalta a chomhaireamh mar chuid den rollú chun críoch soláthar foirne sa scoil ar aistrigh sé/sí chuici. **Sa chás nach raibh an dalta/na daltaí rollaithe i scoil éigin in Éirinn an 30 Meán Fómhair 2020, is amhlaidh a chaithfear litir ó na thuismitheoir ag deimhniú é sin a sholáthar leis an achomharc.**

d) Tacaíocht EAL

Sa chás go bhfuil 20% ar a laghad de rollú iomlán na scoile comhdhéanta de dhaltaí a dteastaíonn tacaíocht EAL (Béarla mar theanga bhreise) uathu (daltaí a bhfuil níos lú ná inniúlacht B1 (Leibhéal 3) acu), féadfaidh an Bord Bainistíochta achomharc a dhéanamh le hathbhreithniú ar an leithdháileadh atá beartaithe do dhaltaí a dteastaíonn tacaíocht EAL uathu.

Agus machnamh déanta aige ar na cúinsí atá leagtha amach ag an scoil, agus ag féachaint don líon ard daltaí a dteastaíonn tacaíocht EAL uathu, féadfar post breise nó poist bhreise a cheadú chun tacú le riachtanais oideachasúla daltaí dá leithéid. Agus leibhéal na tacaíocht EAL á bhreithniú sa scoil, breithneoidh an Bord Achomharc na daltaí sa scoil le níos lú ná cumas B1 (Leibhéal 3) agus a fuair ní ba lú ná 3 bliana de thacaíocht EAL.

Ba chóir do scoileanna a thabhairt faoi deara go mbeidh cinntí a dhéanann an Bord bunaithe ar rolluithe réamh-mheasta daltaí EAL faoi réir athbhreithniú tar éis rollaithe an 30 Meán Fómhair 2020. Féadfar an cinneadh sin a leasú sa chás nach dtiocfaidh na rolluithe réamh-mheasta aníos.

Féadann scoileanna a chomhroinneann an t-aon champas amháin comhiarratas a dhéanamh chuig an mBord Achomhairc ar phost EAL bunaithe ar an rollú comhcheangailte daltaí EAL sa dá scoil.

e) Scoileanna beaga

Mar chuid de na bearta i gCáinainéis 2012, rinneadh méadú ar na tairseacha daltaí i scoileanna beaga. Is leis na scoileanna sin a bhaineann an critéar achomhairc seo agus is féidir le scoil achomharc a dhéanamh sna cúinsí seo a leanas:

1. Sa chás go ndéanann scoil a bhfuil ceathrar múinteoirí ranga nó níos lú aici agus a bhfuil post ranga á **chailleadh** aici don scoilbhliain 2020/21 fianaise a dtacaítear léi a thabhairt go dtiocfaidh méadú leordhóthanach ar rollú na scoile faoi 30 Meán Fómhair 2020 ar mhaithe leis an bpost a choinneáil don scoilbhliain ina dhiaidh sin (i.e. an scoilbhliain 2021/22), féadfaidh an Bord Achomhairc cead a thabhairt don scoil an post ranga príomshrutha (MCT) a choinneáil.
 - Bíonn feidhm le tairseach 16 dalta do choinneáil an 2ú MCT reatha (i.e. P + 1).
 - Beidh feidhm le tairseach 50 dalta do choinneáil an 3ú MCT reatha (i.e. P+2).
 - Beidh feidhm le tairseach 80 dalta do choinneáil an 4ú MCT reatha (i.e. P + 3).
 - Beidh feidhm le tairseach 14 dalta do choinneáil an 2ú MCT reatha (i.e. P + 1) do scoileanna atá suite 8km nó níos mó ón scoil is cóngaraí leis an bpátrúnacht/teanga teagaisc chéanna.
 - Bíonn feidhm le tairseach 14 dalta do choinneáil an 2ú MCT reatha (i.e. P + 1) mar a mbeidh ar a laghad 6 ghrúpáil ranga á dteagasc sa scoil sa scoilbhliain 2020/21.

Nó

2. Sa chás nach bhfuil scoil a bhfuil triúr múinteoirí ranga nó níos lú ag fáil poist seomra ranga príomshrutha don scoilbhliain 2020/21 ach is féidir fianaise a thabhairt go méadófar an rollú a dhóthain faoi 30 Meán Fómhair 2020 chun is go gnóthóidh sí post seomra ranga breise don scoilbhliain ina dhiaidh sin (i.e. an scoilbhliain 2021/22), ag glacadh leis nach dtagann aon athrú ar an sceideal soláthar foirne, féadfaidh an Bord Achomhairc post breise a cheadú don scoil don scoilbhliain 2020/21.
 - Bíonn feidhm le tairseach 17 dalta do cheapadh an 2ú MCT (i.e. P+1).
 - Bíonn feidhm le tairseach 53 dalta do cheapadh an 3ú MCT (i.e. P+2).
 - Bíonn feidhm le tairseach 83 dalta do cheapadh an 4ú MCT (i.e. P+3).
 - Bíonn feidhm le tairseach 14 dalta do cheapadh an 2ú MCT (i.e. P+1) do scoileanna atá suite 8km nó níos mó ón scoil is cóngaraí leis an bpátrúnacht/teanga teagaisc chéanna.
 - Bíonn feidhm le tairseach 14 dalta do choinneáil an 2ú MCT reatha (i.e. P + 1) mar a mbeidh ar a laghad 6 ghrúpáil ranga á dteagasc sa scoil sa scoilbhliain 2020/21.

f) Scoil atá ag cailleadh 3 phost nó níos mó

Má bhíonn scoil éigin ag cailleadh 3 phost bhuana nó níos mó, is féidir iarratas a dhéanamh leis an mBord Achomhairc Soláthar Foirne sa tsúil chun iarracht a dhéanamh cuid den chailleadh i bpoist a iarchur go dtí an scoilbhliain 2021/22 ar an mbunús go bhfuil fíor-dhrochthionchar á imirt aige ar leithdháileadh iomlán scoile.

g) maolú a dhéanamh ar roinnt den bhrú ar mhéideanna ranga ag leibhéal naíonán do scoileanna a chuireann go mór leis trí fhás déimeagrafach a ionsú

Tá na critéir achomhairc seo dírithe ar scoileanna nach bhfuil post teagaisc breise á fháil acu faoi na critéir do scoileanna i mbéal forbartha ach, mar sin féin, a chuireann go mór le soláthar na n-áiteanna scoile, rud a chuidíonn leis an bhfreagairt d'fhás déimeagrafach laistigh dá limistéar agus, mar thoradh air sin, atá faoi bhrú suntasach ar mhéid a ranganna ag leibhéal naíonán. Eochairtháscaire maidir leis na scoileanna sin is ea méadú suntasach ar rollú naíonán sóisearach.

Samhlaítear go mbeidh na scoileanna sin, de ghnáth, lonnaithe i limistéir ina bhfuil fás daonra suntasach. Sa chás go bhfuil scoil ag méadú líon na ranganna iontrála atá aici – rud a ghinfeadh sruth nua – ba chóir don scoil a thabhairt faoi deara nach mór di cead don mhéadú sin a fháil roimh ré ó Phátrún na Scoile agus ó Aonad Pleanála agus Tógála na Roinne.

Is féidir le scoileanna a chomhlíonann na ceithre chritéir atá sa liosta thíos achomharc a chur faoi bhráid an Bhoird Achomhairc le haghaidh post teagaisc bhreise don scoilbhliain 2020/21.

Is iad seo a leanas na ceithre chritéir a cheadóidh achomharc a chur isteach:

1. Tá an scoil ag réamh-mheas, ar bhonn réalaióch, go mbeidh méadú ar a rolluithe foriomlána don 30 Meán Fómhair 2020 agus tá leibhéal an mhéadaithe atá réamh-mheasta:
 - a) leordhóthanach don scoil le post teagaisc bhreise a fháil don scoilbhliain 2021/22 (ag glacadh leis nach dtagann aon athrú ar an sceideal soláthar foirne)
 - b) neamhdhóthanach don scoil le post teagaisc bhreise a fháil don scoilbhliain 2020/21 faoi na Critéir do Scoil i mBéal Forbartha
2. Bhí méadú ag an scoil ar a rolluithe foriomlána i ngach ceann den 2 scoilbhliain is déanaí (2019/20 agus 2018/19)
3. Chláraigh an scoil 30 naíonán sóisir ar an 30 Meán Fómhair 2018 agus tá líon na naíonán sóisir atá cláraithe tar éis dul i méid gach bliain ó shin i leith
4. Mar thoradh ar rollú méadaitheach na naíonán sóisearach, tá brú suntasach ar an scoil maidir le méideanna ranga ag leibhéal naíonán (naíonáin sóisearacha agus/nó naíonáin sinsearacha).

Déanfar gach iarratas chuig an mBord Achomhairc a mheas ar a fhiúntas. Déanfaidh an Bord Achomhairc measúnú an bhfuil an scoil, ina thuairim féin, ag baint úsáide as a múinteoirí seomra ranga príomhshrutha uile ar bhealach cuí. Tabharfaidh an Bord Achomhairc tús áite do na scoileanna sin atá, ina thuairim féin, faoin mbrú is mó maidir le méid a ranganna ag leibhéal naíonán mar thoradh ar líon méadaitheach na naíonán sóisearach ar a rolla. Déanfar post ar bith a dheonaíonn an Bord Achomhairc a leithdháileadh ar bhonn sealadach go dtí go ndeimhnítear rolluithe iarbhír an 30 Meán Fómhair 2020.

5. Beachtas na Faisnéise Rollaithe arna Cur faoi Bhráid an Bhoird Achomhairc um Sholáthar Foirne ag an mBunleibhéal mar Chuid d'Achomhairc

Meabhraítear do Bhoird Bhainistíochta agus do Phríomhoidí an tábhacht a bhaineann le cinntiú chruinneas na faisnéise rollaithe a chuirtear faoi bhráid an Bhoird Achomhairc um Sholáthar Foirne ag an mBunleibhéal. Is é gnáthpholasaí na Roinne maidir le cásanna ina ndéantar rolluithe a rólua d'aonghnó chun críocha aon acmhainní breise a fháil ón Roinn ná na cásanna sin a chur ar aghaidh chuig an nGarda Síochána.